

AEWIN LEGISLATURE-UN EWE MUUN CHUUK

ARUWANUWEN MWIICHENAP, AEWIN MWIICH ATAPWANAPWAN TRUK STATE LAW NO. 4-87

A SUUK ME FIIS WON MOEN IS. TRUK STATE F.S.M. NON ARRU

WANUWEN SEPTEMBER ENGOROU TIWEPUKU WANIK ME EW

NOPUNG NO.: 1-176

EW NOPUNG

Ren fan iten \$29,500 monien sotosop seni ewe Monienapen Legislature ren fan asengessin monien mwokutukutun ewe Faichuk Transportation Authority non Fiscal Year 1982, me pwan ren ekkocho popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$29,500, ika fite ukukun epwe namot ren an epwe tongeni naaf, seni ewe Monienap ren fan asengessin an epwe sopwei monien mwokutukutun me angangen ewe Faichuk Transportation Authority non Fiscal Year 1982, fan pungun Annukun Chuuk No.3-41.


Tetten 2. Ei ukukun moni mei kawor non Tetten 1 epwe einet ika nongeni ewe Board, ewe epwe wisen tumunu nounoun me mwokutukutun ewe moni fan iten ewe Legislature ren an epwe chok fiti meta mei affat me non Tetten 1 ren napanapen mwokutukutun ewe moni, iwe esap pwan wor katouun me nounoun ei moni epwe nape-seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1982, epwe niwin sefaan ngeni ewe Monienapen ewe Legislature.

Tetten 3. Ewe Board epwe awora an repot won napanapen nounoun ei moni ngeni ewe Legislature me mwen April 15, 1982, epwe affatatiw:


- 1) unusen porausen nounoun ewe moni fongon me ukukun nussun mei chiwen wor non April 1, 1982;
- 2) met sakkun atoot ika anapanap ren ewe nussun moni esemwo nounou tori non April 1, 1982, an epwe nounou non met ewe ukukun nussun ewe Fiscal Year, nge och sotosopun repot ren ewe nussun moni epwe pwan kawor ngeni Legislature ika ew Committee mei wene ngeni nefinen 20 ran me murin soponon ewe Fiscal Year, epwe affatiw nounoun ewe nussun moni; pwan
- 3) awora anapanapen ukukun moni epwe pwan kawor ren fan asengessin ewe Authority non Fiscal Year 1983.

Tetten 4. Ei Namopung epwe poputa pochokunan ika a kapunguno me
ren ewe Kepina, ika pusin winiti annuk, nge esenwo kapungo.

Sain seni:


Tadashi C. Wainit, Speaker
Truk Legislature


Annetata:


Datsi Albert
Legislative Clerk/Secretary
Truk Legislature

Pwinin maram:

October 14, 1981

A Kapunguno seni:


Erhart Aten, Governor
Truk State Government

Pwinin maram:

November 27, 1981